

Službene novine Kantona Sarajevo, broj 5/12

Na osnovu člana 29. Zakona o lokalnoj samoupravi – prečišćeni tekst ("Službene novine Kantona Sarajevo", broj 22/00) i člana 28. i 86. Statuta općine Ilidža - prečišćeni tekst ("Službene novine Kantona Sarajevo", broj 33/10), Općinsko vijeće Ilidža, na 30. redovnoj sjednici održanoj dana 15.02.2012. godine, donijelo je

ODLUKU

O USLOVIMA, KRITERIJIMA I NAČINU DODJELE NOVČANE POMOĆI U PARTICIPIRANJU LIJEČENJA TEŠKO OBOLJELIH LICA SA PODRUČJA OPĆINE ILIDŽA

Član 1.

Ovom Odlukom utvrđuju se uslovi, kriteriji i načini dodjele novčane pomoći u participiranju liječenja teško oboljelih lica sa područja općine Ilidža i druga pitanja od značaja za dodjelu ove vrste pomoći.

Član 2.

Novčana pomoć po ovoj Odluci može se dodijeliti teško oboljelim punoljetnim licima i djeci, koji imaju prebivalište najmanje šest mjeseci na području općine Ilidža i to:

- za liječenje različitih malignih oboljenja, rijetkih oboljenja i drugih teških bolesti a na osnovu preporuke Konzilija ljekara nadležne medicinske ustanove
- za nabavku lijekova koji se koriste za liječenje bolesti iz prve alineje ovog člana odluke, a koji se ne nalaze na esencijalnoj listi lijekova Kantona Sarajevo i Federacije Bosne i Hercegovine, a čija cijena prelazi iznos od 100,00 KM po jedinici a na osnovu preporuke ljekara za korištenje lijeka za koji se traži pomoć
- za participiranje u troškovima liječenja u inostranstvu a na osnovu preporuke nadležne medicinske ustanove.

Član 3.

(1) Zahtjev za dodjelu novčane pomoći po ovoj Odluci podnosi se Komisiji za rješavanje zahtjeva za dodjelu novčane pomoći teško oboljelih lica (u daljem tekstu: Komisija) putem Centra za pružanje usluga građanima općine Ilidža na propisanom obrascu koji je sastavni dio ove Odluke.

(2) Komisija ima predsjednika i četiri člana i njeni članovi su ljekari različitih specijalnosti.

(3) Na prijedlog Kolegija Vijeća Komisiju imenuje Općinsko vijeće Ilidža.

(4) Naknada za rad u Komisiji plaćat će se u skladu sa Odlukom o visini paušalnih iznosa naknada za rad općinskim vijećnicima, članovima komisija Općinskog vijeća, predsjednicima i članovima savjeta mjesnih zajednica i finansiranju parlamentarnih stranaka Općinskog vijeća Ilidža - novi prečišćeni tekst ("Službene novine Kantona Sarajevo", broj 20/09).

(5) Stručne i administrativno-tehničke poslove za potrebe Komisije obavljat će Služba za rad, socijalna pitanja, zdravstvo, izbjeglice i raseljena lica.

Član 4.

(1) Komisija će podnesene zahtjeve rješavati po hronološkom redu.

(2) U izuzetnim slučajevima, a zbog težine bolesti i hitnosti liječenja, Komisija će podnesene zahtjeve rješavati mimo procedure utvrđene stavom (1) ovog člana Odluke.

Član 5.

(1) Novčana pomoć po ovoj Odluci ne može biti manja od 1.000,00 KM niti veća od 5.000,00 KM i može istom licu biti dodijeljena samo jednom u toku godine dana.

(2) Komisija će u svakom konkretnom slučaju, iznos odobrenih novčanih sredstava utvrditi na osnovu težine i prirode bolesti, visine sredstava potrebnih za liječenje, hitnosti slučaja i socijalno materijalnog statusa podnosioca zahtjeva.

(3) Komisija će prilikom utvrđivanja iznosa odobrenih novčanih sredstava, kao poseban kriterij cijeniti činjenicu da li se zahtjev za pomoć podnosi prvi put kao i kriterij da li je podnosilac zahtjeva već ostvarivao novčanu pomoć za liječenje u skladu sa Odlukom o kriterijima za dodjelu novčane pomoći iz budžeta općine Ilidža socijalno najugroženijim licima ("Službene novine Kantona Sarajevo" broj 14/04, 9/05) a na osnovu baze podataka Službe za rad, socijalna pitanja, zdravstvo, izbjeglice i raseljena lica.

(4) Lica koja su ostvarila pravo za dodjelu novčane pomoći u participiranju liječenja teško oboljelih lica u skladu sa ovom Odlukom u toku godine, ne mogu ostvariti pravo za dodjelu novčane pomoći za slučajeve liječenja propisane Odlukom o kriterijima za dodjelu novčane pomoći iz budžeta općine Ilidža socijalno najugroženijim licima ("Službene novine Kantona Sarajevo", broj 14/04, 9/05).

Član 6.

(1) Prilikom utvrđivanja prijedloga Odluke o dodjeli novčane pomoći teško oboljelim, Komisija je dužna da se pridržava i vodi računa o odobrenim i raspoloživim budžetskim sredstvima za ovu namjenu kao i odredbama Odluke o izvršavanju Budžeta općine Ilidža za tekuću godinu.

(2) Odluku o dodjeli novčane pomoći u skladu sa ovom Odlukom donosi Komisija, a Odluku o isplati sredstava donosi općinski načelnik.

Član 7.

(1) Uplata novčane pomoći za nabavku lijekova propisanu članom 2. alineja druga ove Odluke vršiće se na transakcijski račun medicinske odnosno farmaceutske ustanove, a na osnovu dostavljenog predračuna i preporuke ljekara za korištenje lijeka za koji se traži pomoć.

(2) U slučajevima propisanim članom 2. alineja treća ove Odluke uplata novčane pomoći vršiće se na transakcijski račun

agencije koja vrši prevoz za nastale troškove prevoza teško oboljelog lica.

(3) Izuzetno, novčana pomoć se može uplatiti i direktno na transakcijski račun teško oboljelog lica pod uslovom da isti organizovano prikuplja sredstva potrebna za troškove liječenja u inostranstvu a na osnovu preporuke nadležne medicinske ustanove kako je to propisano članom 2. alineja treća ove Odluke. Za nastale troškove liječenja u inostranstvu novčana sredstva će se uplaćivati na transakcijski račun teško oboljelog lica, a na osnovu dostavljenog predračuna ili računa nadležne medicinske ustanove.

Član 8.

Za realizaciju ove Odluke obezbjeđuju se sredstva u budžetu općine Ilidža.

Član 9.

Komisija je dužna svake godine podnijeti Općinskom vijeću Izvještaj o dodjeli novčanih pomoći u participiranju liječenja teško oboljelih lica sa područja općine Ilidža.

Član 10.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-568/12-1
15. februara 2012. godine
Ilidža

Predsjedavajuća
Dr. Smiljana Viteškić, s. r.



Ime (ime oca) i prezime _____
JMBG _____
Mjesto, ulica i broj _____
Kontakt telefon _____

OPĆINI ILIDŽA

**Službi za rad, socijalna pitanja,
zdravstvo, izbjeglice i raseljena lica
Komisiji za rješavanje zahtjev za dodjelu
novčane pomoći teško oboljelih lica**

**PREDMET: Zahtjev za pomoću u participiranju liječenja teško
oboljelih lica sa područja općine Ilidža**

(Išraćam Vam se zahtjevom da mi odobrite dodjelu novčane pomoći u participiranju liječenja.

(x) zahtjev je potrebno priložiti:

- ♦ Fotokopiju medicinske dokumentacije sa preporukom Konzilija ljekara nadležne medicinske ustanove ili preporuku ljekara za korištenje lijeka za koji se traži pomoć ili preporuku nadležne medicinske ustanove za liječenje u inostranstvu
- ♦ Fotokopiju lične karte i prijavnice mjesta boravka
- ♦ Fotokopiju izvoda iz matične knjige rođenih za djecu (ukoliko se zahtjev podnosi za dijete)
- ♦ Predračun ili račun za troškove liječenja odnosno za troškove putovanja u inostranstvo

Ilidža, _____

PODNOŠILAC ZAHTJEVA

NAPOMENA:

Na osnovu člana 9. stav 1. tačka 6. Zakona o administrativnim taksama - predviđeni tekst („Službene novine Kantona Sarajeva“, broj 30/01, 22/02, 10/05 i 26/08) podnosilac zahtjeva je oslobođen plaćanja takse.

*Rutimirska cesta 12, 71210 Ilidža, Sarajevo, BiH.
tel/fax. 00387 33 627-311, 775-732
vijecetilidza@gmail.com*

Hvala što ste naš pretplatnik. Koristite pogodnosti koje dobijate pretplatom.